



Kommuninut tamanut

06-10-2014
Suliap nr. 2014-104775
All.Upp.nr. 1718624

PIN-inut allattuivinnik nalilersuisarnermut ilitsersuut

Postboks 269
3900 Nuuk
Oqa. (+299) 34 63 05
Allak (+299) 34 53 40
E-mail: jagtbevis@nanog.gl
www.naalakkersuisut.gl

Inuussutissarsiutigalugu piniarsinnaanermut allagartanik ukiumut nutaamut atuuttunik piginnittut inuussutissarsiutigalugu piniarnermut allagartanut piumasaqaatit qanoq sulii naammassinnissimatiginerinik, ukiumoortumik kommunip nalilersuisarnerani ilitsersuut una malinneqassaaq. Piumasaqaatit ilaatigut Inuussutissarsiutigalugu piniarsinnaanermut allagartat pillugit Namminersorlutik Oqartussat nalunaarutaat nr. 18, 9. oktober 2012-meersoq taamatutaaq Piniarneq aallaaniarnerlu pillugit Inatsisartut inatsisaata allanngortinnera pillugu Inatsisartut inatsisaat nr. 1, 16. maj 2008-imeersoq naapertorlugit aalajangersarneqarput. (Isertitat tamarmiusut tunngaviata, kommuninut pisinnaatitsinerup allanngortinne-qarneri).

Kommunip maannakkut inuussutissarsiutigalugu aallaaniartartut tamarmik PIN-inut allattuiviat Naalakkersuisoqarfimmiit tiguppagu immikkoortut makku malilluaqqissaarneqassapput.

1) Inunnut ataasiakkaanut tamanut inuup normua najugarlu eqqortuunersoq misissorneqassaaq.

Tamannalu kommunip inunnik nalunaarsuisarfianiit ingerlanneqarsinnaavoq. Allannguinertit nuunnerit toqusoqartarnerlu ilanngullugit allattuivimmuut ilanngunneqassapput. Kommunip iluani nuunnermi aalisartut piniartullu peqatigiiffianut nutaamut ilaasortanngorsimasinnaanermut inissisimaneq pillugu tusarniaasoqassaaq, immikkoortoq 4 takuuk. Immikkut ittumik oqaaseqaatit immersugassap talerpiatungerpiaani kommunimit [immikkoortiterilluni] inissiivimmuut ilanngunneqarsinnaapput.

2) Inuup inatsimmi § 4, imm. 2, nr. 4-mi piumasaqaatit naammassisimavai?

(§ 4.

Imm. 2. Inuussutissarsiutigalugu piniarnermut aallaaniarnermullu akuersissut taamaallaat tunniunneqarsinnaavoq inunnut

.....

4) piniarnermit, aallaaniarnermit aalisarnermillu isertitaqartunut isertitat tamarmiusut ikinnerpaamik 50%-iisa nalinginik, takukkilli litra a-c. Angallatit angallatip uuttuutaanut uppersarsaat naapertorlugu 210 BT-init (150 BRT-init) mikinerusut atorlugit aalisarnermit isertitat tamarmiusut piniarnermit, aallaaniarnermit aalisarnermillu isertitat tamarmiusut naatsorsuorneqarnerannut ilanngunneqassapput.

a) Akiliisitsilluni aallaaniartitsisarneq/tammajuitsussarsiniartitsilluni aallaaniartitsisaneq aalisartitsisarnerlu pillugit Namminersornerullutik Oqartussat nalunaarutaat malillugu akiliisitsilluni aallaaniartitsisinermik aqqissuussinermit imaluunniit akiliisitsilluni aallaaniartitsisinermit atatillugu ilisimasortatut suliffeqarnermit pisut isertitatut tamarmiusutut naatsorsorneqarneranni ilanngunneqassapput.

b) Inuussutissarsiutigalugu piniarsinnaanermut allagartat pillugit Namminersornerullutik Oqartussat nalunaarutaat malillugu takonariartitsisinermit imaluunniit pinngortitami misissuinermit imaluunniit ilisimatusarnermit atatillugu sullissinermit isertitat, piniarnermit, aallaaniarnermit aalisarnermillu isertitat tamarmiusut naatsorsorneranni imaluunniit isertitat tamarmiusut tamakkerlugit naatsorsorneranni ilanngunneqassanngillat.

c) Qinikkatut pisortanillu toqqakkatut suliassaqaartitaanermit aningaasarsiat imaluunniit inuussutissarsiutigalugu piniartut kattuffiisa/peqatigiiffiisa siulersuisuini sulinermit aningaasarsiat, piniarnermit, aallaaniarnermit

aalisarnermillu isertitat tamarmiusut naatsorsornerannut imaluunniit isertitat tamarmiusut tamakkerlugit natsorsornerannut ilanngunneqassanngillat.)

Tamannalu nammineerluni nalunaarsuiffimmik kingullermik inaarutaasumik akileraarusii-nermut naleqqiullugu nunap immikkoortortaarfiani akileraartarnermut allaffeqarfianit misissorneqassaaq.

Inuit piunasaqaatinik naammassinnissimanngitsut, erseqqarissumik nalunaaqutserneqassapput. Aammattaaq ilitsersuummi matumani naanerani "Malugiuk" takuuk.

3) Kommunip allattuivik ilitsersuullu najugaqarfiup aalisarnermut piniarnermullu peqatigiiffianut nassiunnissaat toqqarsinnaavaa. (MALUGIUK! Tamanna immikkoortoq 2 malillugu aatsaat pisinnaavoq).

Kommunip aalisartut piniartullu peqatigiiffianut allattuivik nassiunniarnagu toqqassagaluarpagu, 2014-ip ingerlanerani kommunimiit allamiit inuussutissarsiutigalugu piniartunik nuuttoqarsimanera pillugu, kommunip aalisartut piniartullu peqatigiiffianut tusarniutigisavaa. Taamatut pisoqarsimassappat, taava taakku inuussutissarsiutigalugu piniarnermut allagartamut qinnuteqaatinut immersugassaaq nutaaq immersussavaat.

4) Kommunip PIN-inut allattuivik najukkami aalisartut piniartullu peqatigiiffianut nassiunnissaa toqqassagaluarpagu, taava peqatigiiffiup inuit sorliit inuussutissarsiutigalugu piniarsinnaanermut allagartanik pissarseqqinnissamut tapersorsorneqarsinnaasut erseqqarissumik nalunaaqutsersorneqassapput.

Inunnik nutaajulluinnarsinnaasunik kommunimilluunniit allamiit nuussiimasunik amigaa-teqartoqarpat, taava taakku inuussutissarsiutigalugu piniarsinnaanermut allagartamut qinnuteqaatinut immersugassaaq nutaaq immersussavaat.

Matuma kingorna aalisartut piniartullu peqatigiiffiata PIN-inut allattuivik kommunimut utertissavaa.

5) Tamatuma kingorna inunntut ataasiakkaanut tamanut erseqqarissumik nalunaaqutserlugu kommunip inaarutaasumik inassuteqaatini Naalakkersuisoqarfimmut nalunaarutigissavaa.

Piniarsinnaanermut allagartamut nutaamut innersuussutigineqarsinnaanngitsunik inoqassagaluarpat taava kommunip inuttaasoq naalakkersuisoqarfillu allakkatigut tamatumingga nalunaarutigissavai, nalunaarummi § 4, imm. 2 naapertorlugu nalunaarummi nr. 18 ,9 oktober 2012-meersumi.

(§ 4.

.....

Imm. 2. Kommune najugarisamit isumaqarfigineqarpat qinnuteqartup § 3-mi piunasaqaatit naammassisimanngikkai, taamaattumillu qinnuteqaat uppersarsarneqaranilu atsiornagu naalakkersuisoqarfimmut ingerlateqqillugu nassiunneqanngitsaq, taama pisoqarnera kommunip allakkatigut qinnuteqartumut nalunaarutigissavaa, assiliner Aalisarnermut Piniarnermullu Pisortaqarfimmut nassiullugu.)

Nalunaarut tunngavilersuummik naammagittaalliutinullu ilitsersuummik imaqassaaq. Inuttaasup kommunip aalajangiinera tiguineraniit sapaatip akunneri sisamat qaangiutsinagit Naalakkersuisunut naammagittaalliutigisinnaavaa. Naammagittaalliut Aalisarnermut, Piniarnermut Nunalerinermullu Naalakkersuisoqarfimmut nassiunneqassaaq.

6) Tamatuma kingorna kommunip PIN-inut allattuivik nassiutissavaa uunga Aalisarnermut, Piniarnermut Nunalerinermullu Naalakkersuisoqarfik Imaneq 1A, 701 Postbox 269, 3900 Nuuk.

**Piniarnissamut allagartanut al-lakkasuartaammut normu: +299 34 53 40.
Pisortatigut e-mailimi najugaq: jagtbevis@nanoq.gl**

Ilitersuummut qulaaniittumut atatillugu kommuni apequtissaqaruni taava Piniarnermut aallaaniarnermullu immikkoortortaq attavigineqarsinnaavoq oqarasuaatikkut 34 53 44 / 34 53 41.

Malugiuk: Inuussutissarsiutigalugu piniarnermut allagartamik piginnittoq aalajangersimasumik akissarsiaqarluni suliffittaarpat taamaalillunilu § 3, imm. 1, nr. 4 aalajangersakkat naammassisinnaajunnaarlugit imaluunniit allatut inuussutissarsiutigalugu piniarnermik aallaaniarnermillu ingerlatsinerminik unitsitsippat, tamanna ullut 30-t qaangiutsinnagit kommunimut najugarisamut nalunaarutigineqassaaq. Allangortoqarneranik paasissutissat Aalisarnermut Piniarnermullu Pisortaqarfimmut ingerlateqqinneqassapput, taakku pineqartoq sunngiffimmi aallaaniarsinnaanermut allagartat pillugit Namminersorlutik Oqartussat nalunaarutaat malillugu aallaaniarnermut allagartartaarnissaanik neqeroorfigissavaat. Aammattaaq Kommunit najukkami aalisartut piniartullu peqatigiiffiinik tusarniaaviginnereersimanermi kingorna isumaqarpata inuup § 3 malillugu inuussutissarsiutigalugu piniarnermut allagartaqarnissamut piunasaqaataasut naammassisinnaajunnaarsimagai, taava kommunit inuk allakkatigut nalunaarfigissavaat pissutsillu allangornerannik Aalisarnermut Piniarnermullu Naalakkersuisoqarfik nalunaarfigalugu.

Inussiarnersumik Inuulluaqquillunga

Piniarnermut aallaaniarnermullu immikkoortortaqarfik